

陝

縣

志


第 二 册

民
政

族
姓

建
置

橋 河 澗




SWT437 / 16

歷年山澁費咸夏斷交
通創見奇工建長橋亘

卧缸

歌洵河橋


新 生 活 俱 樂 部



禮堂新建設生活舊文
四月多士來聽訓徽猷自此
行


題俱樂部

董達橋



建橋待董達偉構在
張茅往哲多題詠分編
手自抄
合印題

樓卦八鎮興會



技匠傳般巧工味八卦樓
臨
陽方位協構造門心鈎

會真鑑八卦樓

正傳字於開封

陝縣志卷四

歐陽珍編次

建置

陝縣歷屬大郡建置多方代有興廢茲據舊志臚敘其沿革近代更採擇加詳凡以明其變遷進化之迹而新政改良一日千里有非普通思想所能料及昔人謂小民可與樂成難與圖始詎不信歟

城池

陝城爲西漢所築周圍十三里一百二十步東南有濠深五丈西北近黃河高十餘丈代有修濬明洪武初置瑞王府千戶劉全截去東城三分之一屬宏農衛守之周圍九里一百三十步高三丈八尺廣三丈二尺池深二丈五尺闊如之門四東曰宣威南曰迎恩西曰政平北曰宣化宏治十年知州汪濬指揮呂璽重修城門各有樓崇禎八年毀於寇清康熙十八年知州羅錦增修雍正七年署知州黃起盛修葺乾隆二十七年知州姜本源修葺嘉慶二十年九月地震坍塌報明修整至南門石坡爲同治六年知州周仁壽修葺光緒八年十五年石坡先後爲澗水冲壞經知州趙希曾籌款修復十六年夏大雨澗水

復漲石坡崖基全行刷沒水迫城根門外成懸崖絕壁趙希曾回任由州稟道籌款興築分作十三年攤捐彌補攔河大隄東西長五十六丈底寬六丈頂寬四丈七尺並築城門坡道南北長十二丈底寬五丈一尺面寬四丈北靠城門高三丈二尺南靠大隄高一丈接連拐坡一道東西長七丈底寬三丈二尺面寬二丈八尺東高一丈與隄平西與地即便門外坡道東西長九丈底寬二丈面寬一丈二尺北靠城根南靠城濠共用工料銀六千八百兩有奇籌款不敷銀三百九兩知州孔廣聰捐俸補足民國二十二年秋歐陽專員改修南城門樓爲民衆茶園二十四年澗河橋成墊南門坡道與橋平二十五年春濬修城池四圍並城上衛牆又於正東東北東南三方建築土礮各一座民利賴之

公署

專員公署卽縣署 縣署卽前州署在城西北隅後魏建隋後廢置不一元末毀於兵明初知州聞人桂因舊址剏建崇禎八年寇毀知州陳道蘊重建越五年再毀清順治七年知州劉世傑復建廳事三楹東西各二楹爲庫藏後廳三楹上房五楹戒石坊儀門東西角門左土地祠右獄大門東爲寅賓館西南爲倉東爲馬廐道光十八年知州張汝誠詳修光緒五年知州嚴作霖重修二堂等處民國二年改州爲縣稱縣署十七年改大堂爲

大禮堂置豫西第三行政區署旋罷嗣改縣署爲縣政府二十一年置河南第十一區行政督察專員公署二十二年八月歐陽專員蒞任積極籌款修理公署全部保安司令部遷入之新建東西兩辦公廳及管卷儲藏室後園建公共浴室西邊艸園改爲勵志社大門外西首監獄復加修築改良東首又建田賦經徵處公署始具嚴整偉大之觀焉

前分巡河陝汝道公署現師範學校 在縣治東舊治在汝州清雍正十三年河東總督王題請添設巡查道駐劄陝州是年就察院舊址建署左右轅門鼓棚大門儀門廳事三楹內廡共七十四楹箭廳一座馬王廟一座大門外官廳一座道光二十七年巡道施捐廉重修知州丁作霖督修光緒二年巡道尹修九年知州趙希曾修十年巡道耆續修十八年巡道沈守濂增修民國二年改爲河洛道尹公署移洛陽民國六年置豫西鎮守使署於此縣紳蘇容衆牛國棟籌款大事修葺十二年鎮署廢十六年設立師範學校以東首憩園舊址改爲縣黨部

前督學行署現陝縣中學 在城內東街陝州舊隸河南府生童歲科赴郡應試雍正二
年改直隸州十一年生童捐資建署具呈學院題請蒞陝按試乾隆元年四月初十日奉
部覆准照光鄭二州例學臣歲科按試同治二年知州周仁壽大修學政何金壽爲文記

之載金石光緒九年知州趙希曾修葺清末科舉廢縣紳張坤建議改爲陝州中學堂民國初改爲省立第九中學校後又改爲陝縣初級中學校以左首李公祠附入焉

前陝州營都司署現福音堂 在師範學校東爲舊學正廨清雍正三年拓爲都司署大門儀門廳事三間箭廳三楹乾隆十二年都司邱民樂增修民國初地方變官產都司署賣於楊姓復又轉售於外國人改築爲福音堂

明倫堂 在學宮後

學正廨 在明倫堂東

訓導廨 在明倫堂西民國初二廨及明倫堂俱改爲教育局二十四年劃歸農林實驗學校

譙樓 在縣治前迤東現設警察一隊置警鐘焉

按舊志載州治中有元時貢院東有察院行臺譙樓左有布政司行臺及陰陽醫學前有中軍千總迤東有州判廨迤南有吏目廨驛右有按察司行臺儒學西有府館二州署門西有申明亭東西有榜房州治南有稅課司廨督學行署後有養濟院左有廣濟堂柴市巷有育嬰堂南門外有演武場置講武廳三間有臺基高五尺今並廢

公共體育場 民國二十三年春專員歐陽珍修建就城內城隍廟舊址平治坑坎并將原有縣公共體育場合併爲一大加擴張規模偉大東西一百五十公尺南北一百公尺徵用民夫及保安隊士兵平土去礫利用舊磚建築四週看臺北首中間新建司令臺一座西首建大門出北大街大門北邊建築房屋十餘間爲體育場及國術館人員住所現警察第一分駐所亦住其中西北大坑用土填平大半場內設置各種運動器具自二十三年起每年開區運動會一次平時召開大會及士兵學生操練運動多在場內行之

新生活俱樂部 在城內北大街路西民國二十四年秋專員歐陽珍建翌年元旦行落成典禮籌用捐款壹萬餘元圖爲西洋式規模宏大四圍牆壁以磚砌成嵌以玻璃窗置小門四天棚則以鋼筋水泥打成一片後置講臺供講演及游藝其下能容聽衆千人大門以上建洋樓三層凡有集會及尊客宴享住宿皆假之並以新生活運動促進會遷入焉樓頂平曠直看城圍數十里外街巷屋瓦櫛比俱歸眼底陝人睹此偉大之建築無不慶幸稱爲新奇新生活日進不已陝民與有同樂者焉

女子學校 在俱樂部之北二十四年十月專員歐陽珍以前中軍千總廨廢址從新建築之計南北教室十四間大門樓五排與房五間大禮堂三間左右廂房六間寢室十間

廚房四間小房二間廁所二間共四十六間籌用捐款九千四百五十圓女校始有永久地址

河南第十一行政督察區師資訓練所 在女校之北民國二十五年春專員歐陽珍建計教室四所房舍四十四間並廚房廁所等籌用捐款壹萬餘圓

陝縣第一區區署 在城東街路北民國二十三年區長張世傑劃城隍廟東首之一部從新建築

警察所 第一分駐所設公共體育場內第二分駐所在南關北大街路東民國二十三年專員歐陽珍籌款新建

縣立醫院 在陝城東南偶寶輪寺內民國二十三年專員歐陽珍創設置院長一人護士數人內外均用西藥西法療治之

救濟院 在城內黃土坡巷東首娘娘廟內民國十七年六月成立原就破廟舊址專員歐陽珍復創建孤兒所三間并修葺破爛房舍院長張克功現從事添設工藝所除原有織襪織裹腿等工藝外加以製粉筆編毛衣織毛巾等輕手工業按災民年齡分配授以自立技能焉

貧民工廠 在城東南隅火神廟內民國二十年三月創立以罰款二千元作基金由抗日經濟絕交委員會移交機器一部擬價四百八十元作固定金經常費每月三百元置廠長一人技師二人事務員二人工徒三十名二十二年奉建設廳令改名民生工廠以張鶴爲廠長二十四年六月改官立爲商辦經常費取消

按龔志陝州養濟院額設孤貧九九名每名日給口糧銀一分歲給冬月花布銀三錢三分六厘五毫五絲由丁地內扣除廣濟堂收養貧民無定額清雍正十二年知州程世綏勸紳民捐建共瓦房三十七間除置備器具外餘贖銀六百八十六兩雍正十三年知州羅儀建築育嬰堂捐銀二百二兩五錢除建蓋瓦房九間門樓一座及置備器具等物外餘贖銀一百二十兩時因堂內並無收養與廣濟堂餘贖銀歸併二項共銀八百六兩交鹽當商按月二分生息又有地基租錢九千文共爲廣濟堂內貧民口糧之資初設堂時每名每月給米二斗鹽菜錢一百文貧民如有病故者每名給棺木銀二兩乾隆十年五月內奉文廣濟堂息銀不敷嗣後堂內貧民應照養濟院之例每名每日給口糧銀一分棺木銀兩按照折中七錢爲率不得浮多至知州趙希曾修志時貧民有七十二名在廣濟渠等稞租項下按名支給口糧事相隔百餘年不知前項銀

兩歸於何所又乾隆七年十月奉巡道張劄開呂叔簡先生政書中收養病旅教習瞽童諸事堪可效法今捐銀五十兩劄諭到州知州陳錫輅隨揀選磁鐘鎮善良貢生賈文煜張茅鎮善良民人丁福臨硤石鎮善良民人賈質等董理病旅寓事病旅扶病而來醫痊而去所費藥資飯食按季分發又設瞽目堂於城隍廟東延請瞽師一名每月給工銀二兩撰成勸善良言數十篇令瞽師在堂教習瞽童歌詞兼授星卜知州陳復籌經久之計隨捐銀一百兩靈寶縣知縣鍾獅捐銀四十兩闕鄉縣知縣祖廷梁捐四十兩共銀二百三十兩除每年以養病旅瞽目外餘銀二百兩交當舖二分生息爲病旅瞽童永久瞻養之資至趙志病旅寓瞽目堂俱廢矣專員歐陽珍蒞陝致力建設百廢並舉因述現在種種偉大建置事姑將過去陳蹟存而錄之以見政之興廢端在乎人俾來者有所比觀焉

倉庫

常平倉 在州署前清康熙三十一年三月知州甘國璧建共四座十二間
新建倉四十五間共九座在州城東南隅清康熙四十四年知州周全功建
新北倉六十間共十四座在州署西清雍正七年五月知州王榮賜建

新西倉三十四間共八座在州署西清雍正八年知州黃起盛建

又新建倉四十四間共十座在州城東南隅清雍正十三年三月知州羅儀建
通共倉四十五座一百九十五間

常平倉存儲穀一萬九百六石七升四合六勺六抄七撮

義倉存儲穀四百六十石四斗五升七合

社倉存儲穀三百八十六石五斗九升八合

勸捐社穀自清雍正十二年奉文勸捐起至雍正十三年共原捐儲穀六百四十三石二斗乾隆八年奉入常平倉案內造報另立款項乾隆十二年實存穀九百八十七石八斗六升九合三勺

新建倉共漕穀七萬八百六十一石六斗一升三合二勺一抄三撮雍正十二年應存未銷耗穀三百八十七石九斗六升八合八勺一撮二圭

通共存儲穀八萬三千九百九十石五斗八升九勺八抄一撮二圭遵照往例每年出陳易新存七糶三還視秋後收成若何豐年每石加息一斗如遇歉歲免其加息

倉穀出納晒晾均需斗級額設四名不敷傳用里下又幫貼斗級八名乾隆六年撫院雅

批准里下幫貼斗級八名仍留倉應用工食一項本州照依額設之數每名每年捐給銀六兩共捐給銀四十八兩

以上見
縣志

新建倉 在中東街路南民國二十三年秋專員歐陽珍組織倉穀保管委員會以張守梅王樂豐張以謙王向陽張克功五人爲委員推張守梅爲委員長籌募捐款六千元收買梁天才舊房七十五間改建新倉二棟共計十三間二十五年奉令以二十四年應積穀量三分之一變價作爲建倉費用計售穀一千三百四十石按市價每石洋二元五角合計價洋三千三百五十元就原建倉後面空基又建倉一棟內計六間三棟可容量八千石以上二十三年收各區捐送穀三千九百一十八石二十五年收穀二千六百餘石儲於倉

按據龔志所載建儲數量倉房近二百間儲穀至八萬四千石足徵雍乾時代政治修明民康物阜故建設綽有裕餘也洎觀趙志光緒五年知州嚴作霖修倉時所謂四十五座者僅存二十三座一百九十五間者祇餘九十三間而倉數損失過半矣道光二十七年前常平義社勸捐漕倉等四項其額儲穀雖視前減少尙存六萬五千九百二十一石二斗三升五合三勺迨至光緒三年其間因兵民借用未還清查豁免兵燹旱

荒動用外實在存穀三百餘石光緒五六年奉發銀兩採買穀七千三百餘石實在儲穀七千五十三石六斗九升八合九勺其視以前存儲更相倍蓰矣夫置備於前者卽所以補救於後此凡事豫則立之義也而用之於後者無以繼前烈則天行耗亡人事破壞爲之也故自同治初捻匪擾境光緒丁戊間饑饉薦臻至民國庚辛歲旱魃虐民而七千餘石倉穀散發後無復存儲民國十八九年間兵匪迭乘旱荒交加陝城東南隅倉房數座近百間之偉大建築復毀於兵舊日倉庫無或遺留矣甯非天災人禍爲之厲哉二十二年夏專員歐陽珍蒞陝於陝民凋敝之餘勦除匪類安定社會修明政治與民更始益以歲收較豐民力稍紓三年以內完成建設如澗河橋俱樂部女學校師訓所公共運動場新倉醫院監獄等籌款之多工程之大突過近二世紀以前非勤勞廉明之郡守孰能與於斯乎

豐備倉 在東樊村光緒五六年建村人辛際華辛騰甲辛海瀾辛海榮等董其事積穀至三百餘石光緒二十七年歲大稔村人賴是得以無恙

按自光緒三年大饑後陝人急於救亡鄉村所建倉儲當不在少數因年久失載無從採輯錄是以爲考鏡之資焉

橋梁

太陽橋 架黃河爲之在陝縣太陽故關卽今城西一里之太陽渡貞觀十一年太宗東巡遣武將軍邱行恭造十二年二月車駕還京師乙丑次陝自新橋幸河北縣

見唐書

宋太

平興國八年六月陝州河漲壞浮梁

見宋史

澗河橋 在南門外專員歐陽珍建按舊志載有棗水橋亦在南門外遺跡無存者民元以來因澗水漫漶行旅苦之地方官紳屢興橋議以時變迭更與設計未周雖糜鉅款迄無成功二十二年九月歐陽專員深感交通不便影響於政治文化匪淺決議成立陝縣澗河橋建築委員會以委員十三人組織之推蘇樹棠爲委員長十一月委員曲完善盛際孝赴京滬無錫等處向各慈善團體請捐段松山員尙武赴汴垣許昌各地募款二十三年四月集有成數推保安司令部主任副官黃蘇同盛委員際孝赴天津採購水泥千五百桶及吸水機等項蒙鐵道部發給運照省費不貲七月推黃盛兩君及工程顧問易珍山赴漢口採購鋼筋洋松板等並各項應用器具由三省勦匪總部請發車皮運費全免至是物料具備繪圖設計者爲委員兼建築主任李際昶而討論修飾斟酌損益者則顧問易珍山保安司令部主任參謀凌恨生也同年九月十六日專員歐陽珍偕全體

職員及委員與各機關各學校等行奠基禮由寶興建築公司周保康以萬六千九百五十八元一角五分五厘應標同月二十七日正式興工二十四年六月二十五日告成八月一日召集全縣耆老行落成典禮慶成功也橋凡長八百一十九尺南接南關中馬路築碑亭北與陝城南門街接城關成一大通衢焉凡高二十英尺眼孔二十一所需工料器具及經常雜費共洋六萬八千一百二十一元三角其捐款詳情見於碑記及紀念冊茲不贅

按黃河浮梁造於唐毀於宋爲時經數百載其工程鉅大技術精能概可想見橐水橋建廢無可考澗河橋之成功爲歐陽專員勵精圖治之第一表現不惟利濟陝民實有關於秦晉豫三省之交通其爲人誠篤勤苦宜乎成此偉功可與邱將軍比烈矣顧愛惜保護端在吾人使此橋能與太陽橋同其壽命地方之福國家之幸也

董達橋 在張茅東香油河上詳見古蹟

原店橋 在縣西南三十五里原店村金水河上清光緒二十八年村人吳罄宜勸捐重修未幾被水冲毀民國元年吳罄宜側室裴氏捐大洋一百五十元復議興修不足按戶捐助鄉長兀鳳賓鳩材庇工自春及秋歷五閱月告成長三丈三尺寬一丈二尺

古天橋 在縣東南五十里白馬峪村頂俗名斷橋清咸豐間村人王有經杜友月創修之舉人潘履謙爲之記民國二十四年五區區長張世傑與區人潘世榮募款重修工未竣而罷

上塔橋 在縣東南六十里上塔村民國二十年春由牛學禮倡議捐修張治俊董其事需款四百五十餘元

雙福橋 在七區十六保柳溝村相傳爲李密與盛世彥交戰處

永濟橋 在七區二十一保西石堆村爲李青霄李森林等所修建全用青石砌成火車未達時爲汝魯邾寶洛宜等縣運鹽之要道今民生公司運煤於洛宜亦由此經過

區劃

里 明嘉靖以前陝州分三十五里後省爲三十里崇禎十年又省爲二十二里以民逃亡而地荒蕪也清仍之列名於左

城南坊 東關廂 五原一里 五原二里 五原三里 曲崔里曲村隸里一明末與崔村合一里 西

樊一里 西樊二里 太陽里 趙原一里 趙原二里 東樊一里 東樊二里 橫

渠里明以前隸里二明末合爲一 馬河一里 馬河二里 衛村里 七里一里明以前隸里三明末併爲二 七里

二里 朱原里明以前隸里五明末 李村里 宮前里

按龔志載衛村隸里二又改朱原里爲衛二里趙志改太陽里爲朱陽里其間當有分併也

路 清乾隆間分陝州爲五路東路爲橫渠磁鐘張茅硤石觀音堂李村蘆草等處南路爲大南關水滄張村等處西路爲橋頭溝大營曲沃等處北路爲上村會興鎮馬家河等處東南路爲菜園宮前頭峪池頭等處里路互稱至於清末

區保 民國元年劃陝縣爲八區第一區爲城關與東路南路之一小部分第二區爲北路與東路之一部及東南路之一小部分第三區爲西路第四區爲東路之一部第五區東南路之半第六區爲南路之大部第七區爲東路之大部第八區爲東南路之半區立議事會以議長辦區事三年改爲清鄉局置局長四年改爲保衛團設團總民國十一年秋冬間舉辦區村自治改全縣爲五區舉區長旋罷八區仍舊十四年各區又分劃若干保以保董襄辦區事如一區一保五區五保是也十六年改保衛團爲區部稱區長十九年實行區鄉村自治改區部爲區公所又分劃若干鄉舉鄉長改村長爲保長隸於鄉如三區一鎮二十一鄉五區一鎮二十鄉二十七保是也二十四年秋奉令改區設署陝縣

陝西通志
八區併爲五區以原第一二區爲一區原三區爲二區原六區爲三區原五八區爲四區原四七爲五區改區公所爲區署設聯保辦事處置聯保主任焉一區五十四保聯保九二區五十保聯保六三區四十五保聯保六四區三十九保聯保九五區四十四保聯保六計全縣五區共二百三十二保三十六聯保茲製陝縣鄉鎮村莊表而以隸屬某區某保攝之便覽觀焉

雜建 寨堡

會興寨 在縣東北十五里會興鎮同治捻匪後爲邑紳張兆鼓倡議修建居民賴之
溫塘寨 在縣西南二十五里溫塘村民國十一年六月二十五日受土匪老洋人蹂躪後邑紳曲著勳倡議修建由居民分段興工民國十五年九月開始十六年四月告成周圍長六百四十五丈按新法以一百五十丈折算爲四里半寨北爲官路往來行人如織咸目爲小城池云

菜園寨 在縣東南五十里菜園鎮民國二十二年鎮人朱宗伊等倡議修建

過村寨 在菜園南十里過村民國三年春村人楊逢選楊逢海等倡議重修需款五百餘元

河底寨 在會興鎮東北十里河底村民國十八年劉姓築東寨馬姓建西寨守望相助

寺坡碉堡 民國十六年保長盧清池建

暗箭窩碉堡 民國二十年隊長盧清池督修

寺古窰碉堡 民國二十年隊長周重儒督修

硤石鎮中碉堡 民國十七年建

硤石鎮東碉堡 民國四年張瑞建

張茅鎮碉堡 民國二十年建

東樊村碉堡 辛三海建

過村碉堡 楊逢選建

西石碓碉堡三 民國十九年建高五丈青石及磚砌成

宮前鎮碉堡二 郝培棠王炳耀建

李村鎮碉堡三 陡溝碉堡 蘆草村碉堡 大堰窰碉堡 王彥村碉堡 陳營碉堡

以上碉堡多係私人建築物

民國二十五年春建築碉堡十七座一區太陽渡鷄足山二區秦家灣龍家灣黃村南曲

沃上官等處計磚堡七座五原上峪下峪王家圪塔呂紅坡范家窰呂家莊喬家莊劉家坡等處計土堡十座

陝縣各區分保所轄村莊附

第一區

第一保 後東街 中東街東

第二保 上儀巷 吉家巷 上地巷

第三保 磚窰巷 後營巷 北門巷 中東街西

第四保 乾元巷 北大街 霹靂坑 營房坑 衛家巷 倉後巷

第五保 西大街 火巷 觀右巷 觀後巷

第六保 元勳大巷 元勳小巷 觀前巷 觀橫巷

第七保 黃土坡巷 下南街 觀前巷

北半面

第八保 上坡巷 預備倉 燕家巷 下位南巷 上位南巷 塔右巷

第九保 鐘樓巷 柴市巷 中南街

第十保 前南街 前東街

以上係城內

第十一保 新市街 四馬路 菜園街

第十二保 三馬路

第十三保 三馬路 菜園街

第十四保 二馬路北

第十五保 二馬路南

第十六保 一馬路 車站路

第十七保 公興存溝 車站 小東溝 廟底溝

第十八保 車站南溝

第十九保 陝州車站

第二十保 關西鎮 北大街

第二十一保 南關通秦街

第二十二保 南關西街

第二十三保 老市場 五層樓 通秦街 土巷

第二十四保 西大街 南大街

第二十五保 通秦街 交通巷

第二十六保 關西鎮 通秦街

第二十七保 關西街 打包巷 以上係南關

第二十八保 關西鎮 太陽渡 一道街 二道街 三道街

第二十九保 小寨上 南家溝 南關村 大寨上

第三十保 東溝村 雷家灣村 尤家灣村 土橋村

第三十一保 廟底村 韓莊村 郭寺原頭 賈王莊村

第三十二保 上官村 梁家渠村 劉家渠村 站裏村 崖底村 三里橋 東關村

第三十三保 後川村 大崖村 青陽溝 小崖寺 萬錦灘

第三十四保 四七五八 會興鎮

第三十九保 上村北

第四十保 上村南

第四十一保 橫渠村 師家渠村 蘆家渠村 田家渠村 李家壩村

第四十二保 槐樹凹村 王官村 酌子坡村 褚家崖村

第四十三保 三莊頭 李家坡

第四十四保 磁鐘鎮

第四十五保 南鹿坡村 馬家莊村 楊家搖村 賈莊村 泉腦村 劉家后村

趙家后村

第四十六保 南交口村 北交口村 小交口村 石坂溝村

第四十七保 野鹿村 師家溝村 侯橋村 霹靂村

第四十八保 斜橋村 東賀家莊村

第四十九保 西賀家莊村

第五十保 富陽村

第五十一保 河底村 馬坡村

第五十二保 東坡村 西坡村 搖衙衙 劉家溝 石嶺村 位家溝 唐窰村

棉窰村

第五十三保 搖頭村 小安村 大安村 嶠裏村 安口村 劉家山村 左家后村

王家泉村

第五十四保 史家灘村 侯家坡村 三門村 角街衙村 大溝沿村 溝西村

黑坡村 馬荆街衙村 山頭村 穴字倉村

第二區

第一保 溫塘村東街 謝家崖

第二保 溫塘村南街

第三保 溫塘村西街 土門村

第四保 上席村 席村寨

第五保 東確煑村 西確煑村

第六保 西七里堡村 上橋頭 荆家崖

第七保 橋頭溝村

第八保 辛店村 白土溝村

第九保 大營西壕 大營東壕 秦家莊

第十保 大營鎮

第十一保 城村

第十二保

城村

第十八保 官莊

第十九保 寨上 南溝村 秦家灣 龍家灣

第二十一保 黃村

第二十三保 南曲沃

第二十五保 五原村

第二十七保 上塔村 王圪塔村 李宏坡村 小河口村

第二十八保 前峪裡村

第二十九保 寺古窰村

第三十保 廸裡村

第三十二保 原店村

第三十四保 郭家莊

第三十五保 呂家村 張家灣 營子廟 申家窰 狼窰村 孟家橋 陽坡 背坡

第三十六保 寨子根 曹家村 胡家村 許家村

第三十七保 裏村 圪窩村 半坡村

第三十八保 南營 東營 西營

第三十九保 廟後村

第四十保 西王村

第四十一保 搖底村 搖底寨

第四十二保 張汴鎮

第四十三保 曹村 段家寨

第四十四保 劉寺 小劉寺

第四十五保 劉寺

第四十六保 曲村

第四十七保 南曲村 喬家庄

第四十八保 西過村 代村

第四十九保 西搖底 盧家莊 康家莊 呂家莊 范家窰

第五十保 斷橋村 搖底溝 樅園村 兀家窰 謝家窰 趙家莊 賈莊

第三區

第一保 人馬寨村

第二保 後關上村 橋南村 橋北村

第三保 前關上村 胡家坡

第四保 人馬村

第五保 指望村 柳村 崔村

第六保 西陽村

第七保 樊村

第九保 辛莊村

第十保 大峪口村 高坡嶺 張家河

第十一保 王家坡頭 樊家坡頭 趙家坡頭 東嶺村 磨溝村 母嶠村 西坡村

第十二保 廟上村 溝南村 南坡村

第十三保 張村鎮西街

第十四保 張村鎮

第十七保 趙村

第十八保 下澗村 螞蟻溝 後高嶺 閻家莊 王家圪塔 劉家嶺 母疇村 後

溝村 曹家搖 車保峪 王樹衝衝村 馬鞍橋 白家嶺 莊頭村 過

家坡 南嶺村 北嶺村 牛家坡 搖院村 後河村 前高嶺 西坡村

第十九保 裡鐵凹村 黃草凹村 余家村 庵裡村 岩裡村 譚家凹村 廟前

村 廟凹村 丁家岩村 棗刺林村 大柳樹村 宋家坡村 謝家村

白草灣村 秋樹林村 老虎幽村 東胡凹村 李家莊村 龍臥溝村

柳家門村 西莊村 西胡凹村 前九峪溝 後九峪溝

第二十保 石原鄉西頭 柴家坡 驢糞村

第二十一保 石原鄉南頭 廟東坡 鋤邊村 螞蟻凸 衝衝村 謝家窰

柳裏村 莊上村 梧桐窰 小南坡 姚坡村

第二十二保 石原鄉北東頭

第二十三保 陳村

第二十五保 太陽村

第二十六保 南陽村 小搖頭村

第二十七保 水坳村

第二十九保 壩頭村

第三十保 王村

第三十一保 營前村 東陽村

第三十二保 營前村 小營前村

第三十三保 南溝村

第三十四保 東溝村

第三十五保 東溝村 晁家莊村

第三十六保 丁管營村

第三十七保 宜村

第三十八保 西溝村 安頭村 張茅窠

第三十九保 小安寺村 五花嶺村

第四十保 宋家坡村 陳家坡村 黃龍村 賈家坑 大嶺村 朱家凸

核桃原 小崗上 大崗上

第四十一保 大平村 上牛王廟村 下牛王廟村 侯家坡村

第四十二保 上陳東村 下陳東村 蔡家莊村 白家嶺村

第四十三保 張家灣村 史家溝村 十拜王村 趙家灣村

第四十四保 上盧村 下盧村 三岔溝村

第四十五保 混水溝村 賀家村 新莊村 高家坡村 梁家莊村 周家宏村

第四區

第一保 宮前鎮

第二保 北太子溝 南太子溝 草場溝 後拔村 汾溝 趙家塢 辛家塢

第三保 尙家塢 豹子窠 古寺堂 桃園

御花池村 柳家溝 竹園溝 陽陰山 廟後溝村 水磨溝 棗園村

蒿坪寺村 水蘆葫溝 拔溝 宋家溝 嶺東 燒魚溝 權家溝

岳家溝 高家奄

第四保 大小池蘆河 董山溝 麻地溝 大小土門村 三十畝地 唐灣村

石龍溝 張山溝 師家山 上竹園 青石溝

第五保 池頭村 麻地溝 塔溝河 下竹園 塔塔村 石白埧 青石溝

第六保 五峪村 四峪村 黑山溝 麻兒橋 三里橋 林孝村 三塔塔

第七保 馬塔塔 王河村 寶塔塔 臥狼溝 楊梅村 西陽窰 竹園溝 瓦塔溝

第八保 馬家川 宋家川 半坡 羊磨援 下河村東 盤頭坡 沙子坡 東溝

水草溝 東溝村 南村

第九保 頭峪鎮 廟溝村 泥河溝 安頭村 迷魂澗 妖精灣 朱槽溝

黃沙村 西坡村 張溝村 撫朱槽 孫家山 唐溝村

第十保 巖裏村 前巖村 徐家灣 東營村 王營村 南窰村 胡家營 北溝營

張溝村 胡塔塔 奶奶廟溝 孫家灣 上牛村 下牛村 山塔塔窰

下張村 王屋頭

第十一保 岳莊村 東山上 陳家莊 却溝村 段坡村 蓮花寺溝 梨花溝

上岳莊 古道村 楊斜溝 萬河村 龍頭寨 上窰村 鹿山村

第十二保 張村峪 過溝村 張山村 三道塔村 大楊溝 寨溝村 鄧家河

界門村 楊河村 毛關村 柳樹溝 破天溝 王山村

第十三保 陳家園 牛家坡 寨塔 大石澗 尖角平 瓦關廟 李溝 店子街

灣子 李子平 劉家村 大南溝 王化溝 張家溝 石板溝

白石崖 李家溝 斜廟 楊溝 寬平 上寬平 南溝

第十四保 馬家莊 馬匹衚衕 後石門 郭家坪 陳家莊 雙廟河 羊坡溝

廟溝村 衕家莊 古衣溝

第十五保 草店村 上店村 龍王溝 黑山溝 李柿溝 杠子樹 毛虎嶺

塔子村 運家坪 菜溝村 曼子溝 柳林村 葦園溝 雁翎關

窄溝 東嶺村

第十六保 南縣村 高家莊村 繡嶺坡村 南石門村 水家原 北石門村

第十七保 趙原村 東寨村 東掌窰 西掌窰 東跋村 金溝村 石家坡

交林村 紅土崖 西梨園 東梨園

第十八保 下莊村 上窰村 橋溝邊 桐子坡 大坡腦 溝南村 費家溝

楊家河

第十九保 過村 南坡村 沙坡村 馬家河

第二十保 中莊 西嶺 王家坡

第二十一保 官村 桃王村

第二十二保 馬匹溝 刁家村

第二十三保 灣子溝 北灣村 南灣村 衛家寨 周家溝

第二十四保 菜園鎮

第二十五保 白馬峪 耿家溝 南梁村

第二十六保 北梁村

第二十七保 楊家溝 侯家溝 李家溝

第二十八保 朱王村 朱家溝 馮家溝

第二十九保 田家莊村

第三十保 西樊村 劉村 杜村

第三十一保 南陽村 前架子河 竹園溝

第三十二保 東樊村 大小東溝村 南小原村 南坡村

第三十三保 大北陽村 小北陽村

第三十四保 崔家村 段家村

第三十五保 東梁村 橋窠村 東小原村

第三十六保 榛子坡村 後架子河村 宋家坡村 王家莊村 連家窠村

劉溝河村 白石崖村 東坡村

第三十七保 南山口村 韓家山村 廟坡村 石門村 小木山溝村 草積山村

西嶺村 烏鷄嶺村 王師菴村 張飛溝村 白土坡嶺村 竹園村

雙山村 瓦山溝村 南平村 潘家坑 關上村 大木山溝村

石嶺溝村

第三十八保 宋家村 西坳渠 東坳渠 北坳渠 杠廟村 北寨村 坡腦村

北山口村

第三十九保 蔡家坡 栢營村 盧家村 馬家村 趙家村 郭家村

第五區

第一保 觀音堂鎮 段岩村

第二保 七里村 張村 葛條溝 阮坪 浪底 浪底河 壺坪嘴 管塔 西河村

第三保 北里巷 南灣 南家后 南寨 韓岩村 草包溝 壩上村 魚池溝

西后地 南溝 桐樹窠

第四保 石堆南村 畧窠村 石堆西村街 高岩村 孫家坑 北寨村 王村

吉家岩 東窠村 下潮村 延長村

第五保 糯米溝 西河村 下河村 馬鞍山村 霹靂村 琉璃村 李廚莊村

西溝村 武家墳村 君王村 鏹尖嘴村 琉璃壩 大延村 鷄溝村

焦坡村 馬槐溝村

第六保 磁嶺村 米麵莊 蘆草村 劉家莊 上段村 任家圪塔 下蘆草村

陳家莊村 王莊村 下渠村 王河村 黃沙嶺村 楊樹凹村 崔家樓村

第七保 大堰窠村 劉莊窠村 柴坡村 補莊村 佳溝村 朱家院村 窰院村

寬坪村 馬莊村 范家坑村 韓窠村 小楊坡村 張溝村 三子溝

西嶺村 楊窠村 南槐村 羅莊村 梁莊村 小署村

第八保 陡溝村 柳溝村 龍脖村 栢溝村 程家莊 楊家溝 李家廠

高溝村 王彥村

第九保 塔羅村 元上村 魏家壩 張窰村 下塔羅村 下斷村 訪禮村

康山村

第十保 界牌溝 趙溝村 莊科村 馬溝村 河窰村 侯村河 岩里村

古店村 寨溝村 泉溝村 原村

第十一保 李村鎮 張家坡 太和村 吳家坑 馬底溝 王嶺村 唐家溝

下王彥村

第十二保 東石堆村 孟家溝村 郭家壩村 焦家溝村 火石溝村 柳壩村

坡頭村 展莊村 鼓堆窰村 虎溝村 下渠村 上渠村

第十三保 谷水村 蘆葦溝 葦園村 東馬村 東庵頭

第十四保 西馬村 南馬村 居連溝 牛王嶺 小寺窰 燕溝村 孟壩頭

西庵頭

第十五保 杜家鎮 北坡頭 上河村

第十六保 楊灘溝村 青陽溝 壩坡村 山花溝 馬溝 高盤嶺 水沃溝

花嘴嶺 岩子石 後硤石

第十七保 龍潭村 東嶺村 西賀村 西段山 菜園村 葫果村 前溝村

磁塔村 椅灣村 新莊村 嶺南村 東賀村 老村 青天沃村

第十八保 了魚村 崖底村 張家山

第十九保 吉家莊 西高舉 小寨村 前場村 東高舉 段家村 黃坡村

第二十保 李家坪 楊樹窠 橋北村 西山村 南謝村 北謝村 姜樹腰

壯子村 桐樹山 彌陀寺 連灣村

第二十一保 柿樹坪 柿樹溝 廟溝村 上圪塔 半坡村 楊嶺寺 興隆鎮

南窠村 槐樹村 吉家園 亂石扒

第二十二保 狼窩村 王家溝 甘泥溝 劉家溝 孫上山 張下河

第二十三保 硤石鎮 東關村 南院村 南頭村 街中村 上崖村 西街村

後溝村 趙家村

第二十四保 楊家村 鄭家溝 曹家村 詹上山 後蔭村 中家莊 王莊村

大平地 田莊村 蘭莊村 白家村 王家寨 石塔村 西嶺村

第二十五保 四道溝 柏王廟溝 東胡村 十里廟 栗樹溝 鐵鑪溝 瓦塔村

桂花莊

第二十六保 史家莊 駕車嶺 車壕村 馬嶺村 賈山村 趙莊村 杏樹窰

中馬嶺 西馬嶺

第二十七保 丁家莊 南溝村 高崖村 小核桃園村 大核桃園村 太子溝

楊家莊 桐樹窰

第二十八保 寺頭村 馬莊村 衛家溝 荆山村 三孔壩 尹家莊 三教底

第二十九保 四牌村 清泉溝

第三十保 五牌村 吉家河 嶺后村 韓家溝

第三十一保 張茅鎮

第三十二保 頭牌村 二牌村 三牌村

第三十三保 蘇屯頭 楊屯頭 張屯頭

第三十四保 五里河 十里舖 草地村

第三十五保 鹿馬村 富窩村 孫家穀 南灣莊 上山村 上莊村 前嶺村

洞溝村 小嶺村 流炭溝 前村後壩

第三十六保 枝社村 西莊村 澗底河 前山嶺 文治河 劉家山 張上村

鄭家圪塔 五塔嶺 鵝鴿堂 槐樹村 白土塔

第三十七保 曲裏村 鞍橋村 廟後村 蛇窩村 瓦岔坡 師家莊 牛尿嶺

前嶺溝 南莊村 柳樹嶺

第三十八保 樊家山 寨子坡 趙荐溝 王家後 澗底溝 韓村嶺 東嶺村

小金窩

第三十九保 劉家山 白家山 東莊村 侯家下 西坡村 前坡村 胡家窰

燕家山 廟凹村 趙裏村 廟嶺村 楊溝村

第四十保 雙頭村 后地村 王家嶺 高家凸 秦家山 山裏窰 犁灣村

郭家溝 路家莊 確白窰

第四十一保 寧家窩 李家坡 后崖底 張家坡 七里溝 院科村 秦家山

溝西村 侯村 後郭家溝 嶺西村 山裏凹 半山村

第四十二保 衛店嶺街 衛店嶺村 寺莊 楊家窰 曹家山 宋王莊 西窰村

下北坡

第四十三保 衛村 八里店 小張家溝 侯家嶺 張家溝 塹背後 劉家溝

罐耳莊 黑坡村 馬家溝

第四十四保 黃路村 木頭溝村 羊虎山村 李家山 陳家山村 黃底村

北坡村 岔岔坡村 坡腦村 梨灣村 楊樹坡村 秦家山

劉家蘄衛 柴家坡 陡坡頂村 于家嶺

以上一區共五十四保一百二十村

二區共五十保八十村

三區共四十五保一百四十三村

四區共三十九保二百八十八村

五區共四十四保三百九十一村

總共五區二百三十二保一千零二十二村

陝縣志卷五

歐陽珍編次

族姓

永嘉之亂晉室渡江中原文物多保存於東南故世族家尙多有宗譜可考鄭樵通志有氏族略章學誠所修方志有氏族考近世余樾園修龍游縣志載氏族考尤詳瞻職是故也陝縣氏族可考者其譜牒多自明以後兀子炳族譜序云明季遭闖賊之亂譜牒盡失今茲世次特爲亂後遺老各就其所記者述而筆之據會輿鎮張氏譜東樊村辛氏譜其著錄源淵雖各異而斷自明季則同所述爾時子遺均無幾可知每逢喪亂摧殘吾民族文化根源者何限舊志於此無著錄今次列族姓一門以所集譜牒二三不能爲有體系之敘述故世譜付闕如僅將境內現有大族姓氏著於篇而次以戶口風俗至搜集材料窮原竟委以明其優勝劣敗之故預爲將來之指示糾正焉則以俟後之君子

氏族

城內楊氏孫氏尤氏張氏戚氏吳氏陳氏衛氏楊氏族最大張氏一爲明張九功之後一

爲清張鷟張愈聚之後戚氏爲清戚名彰之族

萬錦灘楊氏

太陽渡楊氏

后川村徐氏

東關村史氏

崖底村王氏

賀家莊柴氏劉氏衛氏

斜橋村高氏蕭氏

朱家溝村董氏

師家渠村師氏

楊家溝村楊氏

南北梁村張氏李氏彭氏

朱王村程氏

南北交口村楊氏潘氏李氏

會興鎮張氏清張長庚張兆鼓張坤之族黃村張氏下莊村張氏與同族

上村劉氏王氏劉氏爲明劉昭妃劉岱之族

大營鎮劉氏呂氏陳氏蔡氏李氏孟氏劉氏族最大

溫塘村曲氏賀氏成氏曲氏族最大

原店村兀氏稱爲北魏安樂王元覽之後清兀煥勳之族

城村孫氏韓氏

官莊村高氏

五原村陳氏

南曲沃村喬氏

新店村楊氏王氏何氏

新莊村田氏

橋頭溝村秦氏姚氏

劉寺村陰氏李氏

廟后村楊氏

張家灣盛氏

辛莊村薛氏武氏薛氏族最大清薛勉之族

關上村高氏

張村鎮員氏

樊村王氏張氏

水滄村劉氏

陳村陳氏衛氏爲清衛元燮之族

牛王廟村薛氏趙氏

趙村李氏

塔頭村曹氏清曹三祝之族

太陽村霍氏

東溝村王氏

富村張氏鄧氏

野鹿村張氏清張諧之之族

山莊頭村郭氏牛氏郭氏族最大黃帝村郭氏與同族

槐樹窰村張氏

磁鐘鎮賈氏

河底村劉氏馬氏劉氏族最大清劉英魁之族

趙原村尙氏

菜園鎮朱氏南北灣子趙氏

侯家溝侯氏清侯仁榮之族

刁家村刁氏

官村尙氏

桃王村王氏清王者香之族

中莊村李氏

下莊村張氏

過村楊氏郝氏

溝南村牛氏

石原村張氏

南縣村徐氏

高家莊高氏

南陽村水氏潘氏水氏族最大石門村疆子嶺雁嶺關水氏與同族

北陽村秦氏王氏秦氏族最大

東樊村辛氏明辛鼎辛哲辛章辛霽清辛天捷辛鼎甲之族

西樊村王氏張茅鎮王氏黃龍村王氏爲同族明王以悟清王體仁之族

東梁村王氏水氏橋凹村榛子坡水氏均南陽村同族

崔家村崔氏明崔儒秀之族

田家莊趙氏明趙全趙完璧之族

山口朱園村劉氏

磨山村宋氏郭氏馬氏盧氏

蔡家坡村蔡氏栢營村蔡氏賈氏潘氏劉氏

甯家窩村甯氏清甯元善之族

張茅鎮張氏蘇氏景氏梁氏陳氏王氏梁氏爲梁殿象之後

硤石鎮張氏呂氏王氏朱氏

乾壕鎮王氏

觀音堂周氏

段家原段氏

李村鎮魏氏

宮前鎮王氏郝氏

澱水村姚氏唐姚崇之裔清姚鋈生之族

按此所臚列僅就所知聚族而居之城鎮鄉村加以敘述容有不免錯誤者然可以覘境內民族姓氏之一斑其餘雜居散族三莊兩戶姓氏地名當有遺漏恕編者知有未盡不復能一一詳備也

戶口

陝縣戶口在清代以前無實地調查不可考至民國三年調查全縣二萬八千八百四十四戶十六萬五千一百九十八口十八年調查爲三萬四千二百五十三戶男九萬三千

一百口女七萬八千零四十四口共十七萬一千一百四十四口二十四年八月調查爲二萬七千五百四十三戶男十萬零一千七百四十八口女八萬五千三百三十九口共十八萬七千零八十四口二十五年三月各區呈報戶口異動表統計爲二萬六千一百四十二戶十八萬八千四百三十五口

按陝縣在清乾隆時代人口號稱三十萬蓋爾時既並丁於地且時當承平徒取富庶之名地方官隨意多報並未實地調查故人口有如此之多民國以來調查五次初未編制保甲恐仍未甚確實因人民慮加負擔故祇有少報考之民國三年調查全縣爲十六萬餘口實數絕不止此十八年前調查戶口尙爲二十二萬餘口自十八年至二十年兵戎煩興災祲交加壯者散之四方老弱轉乎溝壑事後調查人口爲十七萬餘三年之間較前已減五萬餘口可謂慘矣二十一年歲轉豐惟地方民團未經編制私鬪成風暗殺益熾官吏莫可如何二十二年秋專員歐陽珍到任大加剿除猛以濟寬半年之後地方寧謐人民得以休養生息猶復召集流亡還定安輯兩年以來增添近二萬口於以知人事之演變而關心地方者尤不可不思所以安處之方也惟庶而後富富而加教斯移風易俗者可以知所本矣

風俗

按陝爲召南故地夙稱化行俗美而介居秦晉褊急強悍之習亦往往而有自隴海
鑿軌通行南關商務驟臻繁盛適外遊學者漸多而奢侈之風遂浸浸以開近年役
煩賦重而鄉閭則益歸疲弊求所以移易風俗者曷亦反其本乎茲依舊志所載合
以現時之人情及鄉先哲之所研究而欲救正之者分條採錄如左

冠 古禮久廢鄉前輩多有從薛仁齋講學者如朱子家禮所載間能行之特不普通耳
婚 中人之產均以論財爲醜惟貧家時有之而少寡再醮爲更甚初議婚延親友二人
作伐必避同姓避中表卜日啟知必三四次然後許諾擇吉日納采換帖謂之允親將婚
倩媒告期具儀物謂之行禮至期親迎綵輿鼓吹前導新婦至門出於帷行合巹禮三日
行廟見禮拜舅姑次及尊長親屬壻適婦家拜祖先及尊親婦家設盛饌饗讌謂之回門
惟用樂不合於禮其他尙不甚相遠焉

喪 親年高必預備壽木以柏木爲上三寸爲度用時以麻油和松香塗其裏厚寸許初
喪訃告親友含殮三日開弔設奠封柩逾月擇地安葬尙不失禮意惟數七齊焚紙稞係
浮屠法請親友相禮用彩衣輻車臨行以鼓吹前導此則干犯禁例至延鄉宦以硃筆題

主均不合禮士大夫皆積成習慣不自知其非也

祭 四時祭家廟具酒饌香楮朔望止用香楮遇父母祖先忌日或家中有喜慶事皆治酒饌祭告惟儀節不必能備三獻清明墓祭先后土然後祭於墓前富貴者或用猪羊普通用酒饌饅首香楮

開學擇日父兄用盒酒率子弟執贄跪拜受業私塾尙如此官立學校則易跪拜爲鞠躬禮意亦浸薄矣

節會元旦設香燭酒果整衣冠拜天地祀家廟神親友慶歲往來酬答以十日爲度現改新曆度歲惟縣署及各機關行之至社會鄉里則猶是舊習而商賈討債亦均依舊年度立春日家食春餅春菜謂之交春元宵祀蠶姑張燈火結綵橋塗歌巷飲鞦韆爲戲謂之鬧元宵按高無際鞦韆賦武帝後庭之戲本云千秋訛轉爲秋千後人失其義又旁加革黃山谷詩未到清明先禁火還依桑下繫千秋二月初三祀文昌帝君今廢按迷信固當破除今至不敬惜字紙而掃棄於糞穢之中殊不可以爲訓是所當戒也

三月清明前一日禁煙火謂之寒食乃晉國之遺俗拜掃墳墓率以前數日及本日爲之現國民政府制展墓典禮特祭歷代帝王聖賢陵寢其事尤爲鄭重又定爲植樹節以氣

候推之則已覺較晚故農人多預先行之以生機未動易於栽培也

小兒女戴麥科及柳絲以其與九百字音相似故

四月朔日小兒女戴紅花串謂之長命索初八日祀城隍神今廢

五月端陽食角黍飲雄黃酒戴榴花插艾葉繫五絲親友交相餽遺 祭瘟神 十三日

祀關帝今亦不行

六月六日祀土地神亦有往祖先墳墓奠湯者曬書畫衣服

七月七日夜婦女祀天孫乞巧 十五日農人各赴隴頭供田祖掛紙旛蓋秋成報功之意云

七月三十日舉行盂蘭盆會

八月中秋賞月親友交送月餅

九月重陽登高飲茱萸酒食菊餽翫紅葉賞菊

十月朔日祭家廟焚五色紙謂之送寒衣

十一月冬至祭家廟親友交相賀謂之拜冬

十二月八日以果粥祀家廟諸神謂之臘八粥 二十三日祀竈神掃舍宇 除夕更桃

符酌酒家人圍鑪達旦謂之守歲

按以上所記月日係用舊歷習慣已久殊難改正陽曆尙無節序行之鄉間

附舊志論

民務耕桑拙於商賈士兼耕讀簡於儀文蓋近唐魏之墟也

居室牆垣高厚無求壯麗門多不容旋馬稀用甃石貧者率依陶穴猶有上古之遺意焉
婚禮不論財而妝奩頗厚喪祭不重浮屠不尙奢華但輕相往來賽神演戲殆無虛日所以耗費滋多民無蓄積

衣服用棉布尙樸素近頗用紬緞爲之婦女首飾亦以金珠相耀大失故步矣

民多尙氣不忍小忿甚至所爭甚微而浸成深怨真北方之強也近甲乙榜漸盛人知禮義殆主持風教之功效歟

城市多酒家競修飲饌鄉鎮各有祠廟多立社會不逞之徒往往囂譁其間酌酒投博構釁起訟殊屬陋習有心民瘼者當急爲化導之

按舊志所論頗爲中肯於今更甚茲錄王惺所宰刑臺時諭士諭俗兩示及張公和令昌黎勸約甯長齋侯村善俗村規以鄉先哲之典型而樹之標的願鄉人俱知所從事

則思美榛苓敬恭桑梓固無待他求矣人性皆善一變至道不禁澤然高望云

王惺所諭士

語云事之不如意者十常八九吾人涉世豈盡得意之鄉所貴乎學者經歷一翻卽用一翻工夫資生窘乏則安分守淡不萌伎求世情炎涼則付之固然不起怨尤仕進升沈則聽之天命不患得失橫逆之來主於反求不生較量毀譽利害成敗生死求盡吾心不悖於理斬丁截鐵不惕不回凡此等處見稍不定卽自責無志志稍不力卽恥其非夫精神稍不出頭俗情稍不割斷卽思古之聖賢是何等人品人生宇宙當何所結果日用間隨時隨事自省自課用一分工夫則心地脫洒一分卽力量凝定一分孟子所云動心忍性增益不能程子所云若要熟須從這裏過如此方是實際方成學問不然卽託名講學終屬口耳日月逾邁虛願無成不亦孤負此生耶

諭俗

人之生也最可貴重者要在天地間做箇好人如不好人將家庭骨肉惡之鄰里鄉黨賤之或致干法網遺辱祖父或惡積一時流毒子孫人豈可不好人然所以不得做好人者過惡種種亦只是貪之一字爲害所貪在我必損於人一損於人輕則成怨重則成

讐敵家懷嗔而思報常情厭薄而不齒有道者憐惜慨嘆而莫可若何不亦可哀也乎人亦盍思此七尺之軀耳戴形肖貌同爲丈夫共居宇內多者不過百年少者或有四五十或二三十年所食不過充腹所衣不過蔽體所居不過藏身今縱不免於饑古人曾有餓死而不食嗟來者今縱不免於寒古人曾有鶉衣百結促衿而肘見者今縱慕於居處之安古人曾有茅簷敗屋而不蔽風日者人若少能知足少能安分雖貧窶終身實有至榮又况清恬之福亦超出富厚者萬萬若貪心不足營營苟苟不惟貧富有命不能強爭祇蒙不肖之名卽自己身心亦無受用之處嗚呼人止有此一生一生能有幾何人止有此一身所用能有幾何天地生我一場父母生我一場我生於世一場奈何日夜憂勞多行不義斃斃焉甘與鳥獸草木同朽腐也嗚呼人列三才爲物之靈道不遠人覺之卽是爾民猛省哉

張公和碣陽鄉甲小試錄勸約

端士習 孝父母 和兄弟 重婚配 嚴閭範 教子弟 保節孝 戒爭繼

重喪禮 篤宗族 禁虐婢 廣墾植 崇節儉 戒輕生 戒出關 止淫戲

息訟端 修壕柵

其總論曰以上十八條皆日用倫常之事然欲興教化保身家正人心厚風俗亦不能舍此大中至正之道別索新奇天下事有治人無治法以虛文視之則爲虛套以實心行之則皆實政顧力行何如耳願我士民不以爲書生之論而忽之父誡其子兄勉其弟夫教其婦賢智詔其愚魯老成引其後進而縉紳之家尤先樹軌範以爲矜式庶財物永阜禮讓成風本縣有厚望焉

甯長齋侯村善俗局村規

村長

擇公明廉威者合村舉之既舉之後聽其約束一切處置無敢不遵

村長總村知知有五

一曰知業

治村事二曰知教

宣村化三曰知禁

申村法四曰知防

備村患五曰

知工

飭村修

因材授任一由村長庸懦不稱者更之恃勢凌人挾私逞忿者重懲之不能備

則擇能者攝之或村長自領之立掌籍一人置一籍分列五者規例姓名隨時札記村長審虛實臧否以示勸警而備遺忘掌櫃一人按高下戶出錢若干藏之櫃中令守之臨時酌買酒食帨巾花簪等物以備集會五知及獎給村中男婦德業最著者

知業

知業治村事事有四 一曰耕田 以足 二曰織布 以足 三曰商賈 以通 四曰工匠 以備 立田

老以勸農 正疆界達溝洫辨種子順 織婦以課女 除麥谷兩月徧告村婦使勤其事不重

村計夫以平爭 商工交通之數有不平者 歲終會一歲所入之數白村長登籍

知教

知教宣村化化有四 一曰三禮首家禮 冠婚喪祭依 次鄉禮 相勸相規相交相 三學禮 依

董學 則 二曰三樂首報賽 如飲蜡 次祈禱 略用擊鼓鳴鑼演戲陋 三大儼 不重 三日四德首

孝子 重實行 不 次節婦 以下三十 善人 以財物 四貞女 志行異 四日五行首敬長老 尤重 次

恤貧孤 本族尤切 三睦宗族 有失所 四和鄉里 尤重 五重仁賢 人望所屬師之友之賓之 歲

終會一歲之成效白村長登籍

知禁

知禁申村法法有五 一曰背倫首不孝 婦則罪 次不弟 亦有禁 三不慈 姑與論父同棄死

二曰犯義首酗酒 醉者倍致人於 次賭博 子開場及誘人 三偷竊 誘人及窩 四鬪毆 倍幫手 五務

訟 調案 六侵漁 如佔人地界牧人田 七殘虐 如開牛肉架及 三日不修首遊蕩 無常 次吸

煙 誘人有疾者倍之執以敬人者亦 三懶廢 有常業 四日淫蕩 談女色者 五戲謔 雖有長 六毀

罵欺村罵社 七惑邪下神捉柱算卦相面以婦 八狡賴如抗債阿人 四日剝削首種罌粟
館者亦然 次重利息者即分是 三騰穀價亦出糶者 四小斗稱十六兩者即不滿 以上有
犯者量重處之大則呈村長並治之歲終登籍示警

知防

知防備村患有三一曰盜賊或田或宅聯為五保互相救應冬夜按更鳴鑼多寡有數

出戶二曰疾病按上中下戶出錢若干酌買丹丸散葯藏 三曰凶荒麥谷後按畝收谷若干

收而貯之有急協村長濟貧 歲終會一歲出入之數登籍

知工

知工飭村修修有三一曰官修首水泉此本村水遠 次道路夏雨冬雪 三陂池四寨洞承平

之二曰私修自己門外及田 三曰族修一祠堂二塋

以上各條大抵取程子治晉城陳先生治仙居呂氏鄉約朱子社倉之法會而通之以為
村規為一寬閑官所北壁前置一條棹安程子諸神於上每歲四季月終鄉保邀郵長率
五知織婦不與有事使 執事等焚香行四拜禮禮畢乃如鄉約行拜尊長禮拜畢分長幼
就東西序坐以北為上堂中置一大棹子置籍與財物於其上掌籍逐條讀之讀畢公同

商議安置措畫一村事宜五知所呈有犯規者小誠大懲各當其可不服村長稟官究處
有德業異人者男則獎以酒食或錢物女則或巾帨花簪皆可掌櫃分給之豐裕之歲略
用酒食亦可

執事吟

齊集吟 凡在村局同辦一事之來公同處置先期達知如期即至
鄉長鳴鑼點香一柱香不來大家究治如或從鳴鑼除去

自責吟 我等不能自責安能責人曰公曰正曰慎曰勤只此四
字牢記於心但入此局自戒自箴如或有犯爾之詢

村長吟 所有長便宜爾自差派公心慎勤勿忘勿懈苟或不然百事俱壞
字記於心但入此局自戒自箴如或有犯爾之詢

五知吟

知業吟 凡村之人兮誰不有業安其業兮然後喫穿而力兮仍不
揭彼之男子兮宜于田而耕種芸收之睡坐推委以自甘兮仍
今早與之婦兮與女子兮有生活有生活而或睡坐推委以自甘兮仍

生而與夫肩挑負負易兮為工為商身與之酌量 豈可荒唐如此
正而起端兮實為不其使計夫身與之酌量 豈可荒唐如此

人不安業兮然後喫穿知業 而後禮樂德行與之有效誰為知教兮
而後禮樂德行與之有效誰為知教兮

告凡村之人兮誰不有業安其業兮然後喫穿而力兮仍不
告凡村之人兮誰不有業安其業兮然後喫穿而力兮仍不

知教吟

唱曲兮或妖或淫到底壞亂人心其與之言正樂之倫至於孝弟之節與夫睦
唱曲兮或妖或淫到底壞亂人心其與之言正樂之倫至於孝弟之節與夫睦

知禁吟

正然後知禮樂德行之然後有效公正慎勤兮人服教
凡村之人兮不孝不弟不慈兮悖人倫試問何以爲人其重責之而後變其惡氣略其無遊
論彼之不孝不弟不慈兮悖人倫試問何以爲人其重責之而後變其惡氣略其無遊
飲博偷竊諸非爲利己損人之徒爲不修爲殘削風化關係兮豈可輕略其無遊
蕩懶廢之類與夫利己損人之徒爲不修爲殘削風化關係兮豈可輕略其無遊

知防吟

情兮與之整飭而警覺知禁如此公正慎勤兮人服教
村人畏禁兮然後日用事爲之大順公正慎勤兮人服教
凡村之人兮有患必防村人有防非然後災害困厄之無傷兮誰爲知防兮我室家
詳彼疾瘡瘍兮皆爲病此時非藥不應其酌買丹散九兮以補用彼室家
田地兮或多盜穰成禍害不少其派照應曰不防其於平時準於水潦旱蝗不
倉然知防如此困厄之無傷村人有防勤兮人有防
倉然知防如此困厄之無傷村人有防勤兮人有防

知工吟

凡村之人兮有工必興村人與工兮然後內外人己之皆通誰爲知工兮我申
明彼水泉道路陂池官所兮大家同之其撥夫以成之彼門外田間之道路
水渠兮自己豈非要圖其率族衆兮出財力而隨便營謀知工如類責在合族
根本關係兮豈非要圖其率族衆兮出財力而隨便營謀知工如類責在合族
人興工村人興工兮然後內外人己之皆通誰爲知工兮我申
人己之皆通公正慎勤兮知工

娶繼妻歌

兀煥勳

爲人娶再房便作二心腸母說兒不是兒說母不良母說父慣兒兒說爹寵娘說母母煩
惱說兒兒悲傷母惱詐尋死兒傷詐逃亡母說不敢對兒語兒言不敢對母詳一併積心
內不言暗自愴頓足把己怨何再坦東床值此兩難地處置無良方無奈將母勸量大且

包荒前子不孝母罪孽他自當盡你爲母心人長天亦長佑你生好兒孝敬在高堂讀書
成大名作官伴君王你爲老太太榮耀比人強前子不理他碌碡怎上牆天眼煌煌睜後
看何必忙母將頭低下眼含淚汪汪再去將兒勸天理不可戕家中有大小豈可倒綱常
休云非親母甘作忤逆郎母任他不慈兒祇學王祥蒸爨不格姦大舜事留芳悅親致底
豫孝名天下揚乃父心公正耿耿對三光豈肯苦虐兒瞽瞍爲一行凡事總宜讓况讓母
何妨何爲常混鬧致令笑鄉邦兒默不言語心似悔不遑母兒俱聽勸安分過時光已反
憂作喜默默謝穹蒼總之此件事面面都要防一防己心偏再防妻毒狼防兒不省事惡
言浪發狂三好合一好積善有餘慶身爲家之本循理務端莊修身可齊家有麝自然香
吾身立榜樣庶保無參商不然處未善必致貽禍殃連日生閒氣安能壽而康寄語箇中
人此味要親嘗

節錄各族譜序附

族姓編既竟因念此次所採訪之各族譜序雖係零星篇章但蒐輯亦自不易若復棄
之甚非所以採輯舊聞之義也爰取其於族姓世譜有關者附錄於此藉以覘譜牒之
所存供他年修志之參攷云

會興鎮張氏族譜序節錄一

吾張氏係山西洪洞縣東關人也由紅軍之變移居河南陝州會興鎮居住始祖諱曰繼周厥後子孫星錯支派繁衍久恐族姓難稽揆諸一本之義在繼周公未始不怒然傷也奈崇禎十三年大荒後屢遭寇變故籍既已無存老成又云逝世每當拜獻之日常懷不及知前人之恨嗚呼今人不知前人寧可後人不知今人乎於是搜其遺跡訪諸宗親僅就所記者錄之康熙二十四年十一月廩膳生十世孫洪範謹撰

會興鎮張氏族譜節錄二

乾隆五十九年五月內余由湖北漢黃德道蒙恩陞授湖北按察使司事以辦理鄖陽教匪未及請旨陛見六十年因湖南苗匪滋事督催協濟南省軍需是年冬月復因教匪不靖馳往宜昌防堵續於嘉慶元年七月調補山東按察使司事留辦楚北軍務二年十一月奉恩旨著進京陛見陛辭時復荷天恩諭令順道旋里祭掃堂叔得元公謂余曰以我張氏自始祖繼周公由山西洪洞遷居於是族姓繁衍及國朝康熙年間洪範洪恩祖慮譜系不修無以紀世次廣詢博採自始祖以下至九世十世別其本支列爲經緯迄今又將百年爾祖行公

大伯伯元父伯

公遠承祖澤世篤忠厚爾乃復承上恩張氏譜系重續之責

陝西縣志
蓋專屬之矣余承命不敢怠因考據前冊略定爲譜嘉慶辛酉十一月欽命貴州等處提
刑按察使司按察使統轄驛傳事務署貴州等處承宣布政使司布政使戊午科湖北武
闈主考軍功加三級紀錄十五次十五世孫長庚謹撰

會興鎮張氏族譜序節錄三

粵惟道光二年仲春之月儀封試用訓導張道凝先生來攝陝之學正篆余執弟子禮拜
謁其門卽與余訂葛藟之誼且出所帶族譜以示余受而讀之良由賜進士出身文明祖
以江西望族宰治洪洞縣德政及於人者深後以疾辭歸故里屬民置田宅固留之遂家
焉閱八世族以熾昌考其譜牒其自洪洞而遷者共有二十一支儀封之族與余族若合
符節然則繼周公爲余張氏之鼻祖而實洪洞邑侯文明祖之苗裔確有足據矣道光十
七年丁酉仲春光州光山縣儒學教諭乙酉拔貢戊子科舉人十六世孫元昇撰

皇明古洛地弘農郡柳巷黃門張氏家譜序節錄

元祖百川世居山西張虞好施濟故元加以義官適逢明太祖討不軌干戈載道億姓流
離遂率其家屬至河南河南府古弘農郡州治南有近城關名曰柳巷見其俗美人醇而

遂家焉

無年月及
撰人姓名

東樊村辛氏族譜敘

附族人流
離再聚記

吾族譜由來久矣一敘於祖金再敘於父靜悉源流昭來茲甚詳備也至明崇禎庚辰歲兵荒極而譜亡雖然吾猶識其略吾祖乃陝西三原縣人唐貞觀之年祖兄弟三人一適山東一留故地一至陝州卜居東南鄉歷五代宋元世遠人湮未有誌據祇家左東嶺上有大木墳猶在相戒勿伐族人歲祀焉明初有祖諱文中生子三伯季世系同一譜今俱無存仲曰宣乃吾祖也亦卒葬東嶺大木墳內塚前有石記宣生子一曰智智生子五曰鳳曰鵬曰鴻曰鳴曰鸞俱卒葬家南堰上墳前有碑宣祖以下世系鐫其上枝生派衍脈絡分明可攷而知也爰抄敘爲譜總圖於前詳次於後不令後之人覩水木而思本源致嘆於前代宗支之無考也碑內間有數字損壞失名莫稽者必詢之故老務獲實傳信不傳疑乃止否則直數失名二字又有歷代先祖妣姓氏不一皆我後人所從出無容置但可稽查悉記譜內至於宣祖之兄宣祖之弟其世系未鐫無攷者苗裔有人班輩俱在從來與同歸令仍悉列譜後內有英流杰出奪巍科荐縉紳以及遨遊成功列名巒序者俱足振我家聲爲我祖積德之驗譜旣成無遺我矣上以裕祖先下以洽子孫其在斯乎其在斯乎願我後人億萬斯年相引於無替云雍正八年歲次庚戌第十二代孫承烈敘

譜既成宗支不迷厥懷差一慰因之有所感矣自吾祖以迄今茲幾數百年在昔成化弘治時戊子癸卯己酉壬子二十五年内父子兄弟屢高科猗歟何其盛也嗣是書香代代不絕且家殷俗美禮儀優嫺吾猶及見賓朋蜡臘依稀有彼都人士風迨崇禎六年癸酉流寇渡河而南屠擄焚掠無寧日人龍頭寨居田蕪其半戊寅飢己卯飢庚辰大飢赤地千里雀盡死人相食明年辛巳春嶺後寨崔賊反肆掠負販絕升米銀五錢抱錢餓死者無數吾族衆數百人十不存一焉以至村無人蹤房屋在茅蒿中於戲痛哉有吾族祖諱之炳者自山西避難廻率子珽招集逃亡餘燼復聚成族親訪吾於蒲坂相嚮哭遂攜以歸時崇禎癸未歲之七月也此時族人生存復業者不滿二十人相與闢荆榛除茂草服耕力田以人代耕惟育鞠顛覆是懼後二年值改革天命歸清亂平歲亦頗稔族人略忻忻然有樂生之心我遂以讀書相勗勉俾奮飛勿佚前人光於今凡四十年生齒漸蕃一時拾青衿者有斑有珽有珣有性有悌有忻凡九人下此有天佐天寵清掄廷錄天捷童習舉子業者復有人亦似有蒸蒸重起之勢而禮儀猶未盡嫺風俗猶未盡厚徒令我有今昔人不相及之感也亦獨何哉得非時爲之乎於戲從古及今治亂不一盛衰相尋非一日矣雖然遷流在世轉移在人則所望於後之維持風教者烏容不亟亟耶因記吾族

盛衰離聚顛末於譜後示我後人咸得聞知俾勿忘爾祖之艱難云爾

張茅陳氏族譜序

且夫家之有譜猶國之有史也史所以記一代之興廢君臣上下千古如揭譜亦可以誌一姓之支派父子祖孫百世不亂我陳氏之有家乘也祖傳久矣典觀舊譜叔高祖有庠生忠義及忠行者亦曾脩輯後至道光二十餘年咸豐初年有堂叔祖附生鳳翥堂叔附生廷珍與典父附生又兩次纂脩彼時典爲弟子員亦與其事但後遭同治元年五月髮逆之亂八月捻匪之亂舊譜於是殘缺失次爾時卽宜速脩然典耳聞尙未目見因而有志未逮及遭光緒三四年之奇荒人食草根樹皮土塊死亡者十之六七我陳氏之在此地而死此災者幾乎有半其在陳家山者更有甚焉嗚呼此災也本朝未有之災也大稷之後而不思一序族譜後之人有欲序而不能序者况乎前此兵燹之餘卽未之序耶典於是有序之志因討舊譜一閱始見其腐爛殘缺不可以傳後也而序之志更決幸有從堂弟煥章者於光緒六年正月間邀會族人議脩族譜而族衆亦皆歡然曰此勝舉也此急務也於是約定脩期爲之一舉而成典之志快矣何快乎快我陳氏之族譜可以傳後也更快我陳氏之同志者多有其也不然同志不多族譜不脩將太邱德望穎水淵源

不且湮沒弗彰乎讀孔璋之檄巖巖經國文章臥元亮之樓耿耿濟時偉略我陳氏之自古在昔何代不有偉人上而溯之陳敬仲奔齊而陳後遂昌於齊然敬仲陳後也實舜後也大舜之後封於陳古人有以地爲姓以是知敬仲爲舜後此我陳氏之所自來也烏可以不序是爲序二十世孫歲貢生軍功保舉訓導典章纂輯序

張茅王氏家譜序

王興言

我王氏故陝人明以前佚其譜矣洪武初始祖諱政以上不敢妄有所宗謹宗派於始也至我高祖訂族譜自此始

東溝村王氏家譜記序

從軍始祖王老二一名王胤原籍山西太原府臨縣人洪武三年河南衛後所劉玄下從軍當年跟本衛鄧指揮按應興原洪武五年調河南衛後所百戶邵均守禦陝州洪武十一年六月間設宏農衛當年跟本衛朱指揮等官征進西番八郎川等處洪武十二年回衛洪武十四年跟本衛指揮迤北征進灰山攻克曲清等處洪武十五年跟本官攻打阿迷萬戶山寨當年三月調回雲南征克建昌府就彼守禦洪武十七年班滿回衛洪武十九年跟孟指揮將橋操練洪武二十年征進金山遼河薊門駐劄當年選充小旗洪武二

十一年征進卜魚海子哈喇哈地西回衛後跟朱指揮迤北剿殺遠賊至返安府等處洪武二十二年赴京蒙賞鈔貫洪武二十三年保併鎗得勝陞充本衛左所百戶丁福下總旗洪武二十六年亡故生曾祖王順因幼不堪併鎗將隨母來張帖木伯王帖木暫補操備不曾併鎗近聞中府收有曾祖王順名字永樂元年本指衛將會祖王順保送赴京併鎗世襲總旗號簿來歷查真示下予家世譜誌併龍章封贈 誥命襄悉先世鐫刻頒受而珍藏於祠延及數世之久詎意蹇遭奇遇變釁兵氣盡被殘毀而 誥命無覓幸於亂集中尋有一二世系誌銘簡殘未泯而詳察先人科第流芳官余履歷與名家昔時誌式並先人卜瑩基趾草述而錄之以傳於後云八世遺裔王憲祖謹記

以上十代人等有察之軍冊簿而知者有證之歷任之地而知者大約名登科第功蓋家國昭著不衰者迄今履歷可攷也至於監吏庠學及白丁或值亂而亡於利刃或遇荒而奔走四方六世祖王成蔚留遺族譜又幸八世王憲祖抄謄尙在庶幾先代之履歷未朽而後世之接續亦有因矣兆今是十三世之遺裔而前追以上之功德雖未能因時承祭以盡其報本追遠之誠然以道前教後以冀其本源之不墜云爾十三世王澤兆序

右錄王氏家譜記序係依原文照抄其中字句似有亥豕魯魚之訛略爲校正二十

陝西通志
餘字比較可讀他仍其舊惜無年月可考

姚氏族譜序節錄

余先祖諱懿文獻公父子祖孫歷官於唐爲社稷重臣然其盛德大業昭垂史冊余不復贅但余奉命行臺陝西祭拜之下則見祠堂頽圯墳墓荒涼膳田強侵只有旌賢守墳一座目擊心慘遂檄洛府復給文牒申厲樵禁以遏非人仍令住持僧朝夕守奉因而詢及族衆家譜何在族衆曰屢經改革殘缺失次余幸以顛沛之餘僅存一二略書之以爲後世子孫知有所宗云元泰定四年春十七世裔孫中丞行臺陝西道御史姚煒書於公署原店兀氏族譜敘節錄

郭維國

兀氏家乘失於明季惟傳稱後魏樂安王元覽之後避宇文氏之禍改元爲兀其他雖不多見然於理可信卽按之當時情事陝猶後魏地則兀氏土著於此鄉者蓋千餘年矣其族各房支譜大約自清以來世次尙明然離而不屬無以聯親情而篤族誼茲有兀君成彥用之慨然以修譜自任慮宗衍支蕃體例裁制爲難商其事於余余亟贊成之曰此敬宗收族之道也宜倣唐宗分房法兄弟各別繫各小宗於大宗之下防混淆也倣宋室聯宗法帝系王族悉載譜牒賢愚並列誌蕃庶也大宗小宗旣支派之分明貧富親疏亦源

流之通貫間有後嗣多艱少微星暗有子姪可繼卽以繼者子之不書承嗣字樣恐傷死者心也其繼者之本生世次亦得列名只註出嗣字樣聯骨肉之情也其或無昭穆相當可以取繼及兼祧者宜倣明史諸王世表無子國除之例存而不敘並不註其他一字使閱者相喻於無言寓忠厚也吾因之有感矣吾曾祖自嘉慶中葉由晉壺遷陝以來云云

薛氏家譜跋

薛 勉

家譜與家傳不同傳以紀行事而譜則否隋書經籍志家傳入譜系二者各自爲本不相屬也蓋譜重親親賢否褒貶之說不行於其間是故紀世系別支派也紀生卒年月別長幼兼舉行忌日之禮也紀族居使情誼不因地而渙也塋墓宜圖恐久而湮也聯名宜表恐族衆而世次紊也科名爵秩必書錄賢也節烈旌表必書紀恩也修舉族中公事者必書表功也事必賅實佚則從闕而一切附會華族矜尙門第之陋習必絕之無與此作譜之大凡也吾族自河東遷陝代遠年湮世次久佚舊譜所載斷自明季分東西南北中五支迄今閱三百年傳十一世子孫繁衍隨時續入近復經誠村公重修支派釐然可以傳後矣然始遷未詳圖表未備婦族未錄生卒年月未註公病其闕略欲詳稽而未暇也會勉省親歸里公面詔參訂宗祧所係不敢辭惟茲事體大非伊朝夕之力所

可率爾從事頻年宦跡飄零東西奔馳無暇晷謹志之以待異日想亦公所許也因書譜後以爲券焉

段岩村段氏譜族序節錄

七世孫增生段鳳鈞

段氏之世系溯自洪洞遷河南者六人永邑古圭村其一大明路村其一陝縣東放馬坪又其一壕底河村又其一也然亦得之傳聞耳世代究不可攷也由壕底河遷段家岩村者昆仲二人其一少亡其一卽我祖養全公也公生五子序族譜者其門遂分爲五於今相傳閱十餘世乙卯冬鈞與彥堂新堂等博訪周諮將某支與某支相近某派係某派所傳羅列分明燦然可觀前有重名者從而革改後無派字者從而確定庶次序不至於紊亂雍睦亦可以常昭云

邢氏族譜敘

廩生邢兆庠

吾邢氏宗派不詳其所自仿史記衛霍列傳載北地都尉山從驃騎將軍擊匈奴封義陽侯則自漢已爲著姓洎北魏有辯與邵昆弟二又有穎字宗敬者皆名業特顯而其籍屬於河間自後歷代俱有達人而出於河間者居多數焉獨吾河南之族不知遷於何世始於何人相傳有紹德公者爲吾族之列祖登進士第仕至御史及大理寺卿爲永寧西塢

人而吾族則自西塢來徙第吾嘗至西塢求觀塚域碑碣既漫滅不辨識欲究其世系而家乘亦散軼則猶在渺茫疑似之間也至近宗之在王彥者立祖則始文治公距今世代祇九其爲國初可知然嘗觀近地古廟金石見有吾宗人名氏者皆不可攷及文治公之先尙有何人亦付諸別風淮雨蓋當明季之亂賊匪屠戮殘破秦楚豫數千里人影殆絕吾族喪亂之餘僅延一綫因之一切支派宗牒俱爲灰燼不但紹德公而上不可得詳卽自永來遷以降亦無從取徵矣可勝慨哉吾族式微名爵科第絕無間有讀書列膠庠者亦落落不數人家三十餘悉業農耕第有居他鄉者有出遠方者使不有譜以載之則源遠而流益分更數傳後必至本支莫辨將與前此之得諸傳聞者同一罔稽此族譜之作所以不可少已也且夫作譜者必參氏族著圖綫載宗法列世德余見聞寡陋素未窺韓歐譜牒之學况吾族世代單寒妄思效顰必至無米而炊爲識者所竊笑因思就故族祖百法公所修之舊譜重加增補訂正使後之人開卷瞭然收族之意不難由此而生區區之心實在於此若夫扳援顯貴妄取古代有名績者以自誇耀吾所不取也

按右錄張氏譜序如紅軍之變移居崇禎之亂譜亡辛氏譜序如明崇禎庚辰歲兵荒極而譜亡及流離再聚記張茅王氏譜序如明以前佚其譜陳氏譜序如同治元年五月

髮逆之亂八月擒匪之亂舊譜於是殘缺失次皆可以供氏族升降之參攷內惟姚氏譜序於元東溝王氏譜序自明但未見其譜其他皆有闕文獻故附錄於族姓之末又採訪稿尙敘有南陽村水氏譜謂元明間有諱什一者生三子仲子諱浩居陝州歷明季凶荒僅存十數人清乾隆十八年庠生水智穎始修譜下莊村張氏譜謂明時移民自洪洞縣大槐樹下遷張姓於河南者二十餘支有兄弟二人繼周住會鎮繼召住黃村繼周一子名拾配尙氏褚氏不合尙率二子剛與林遷居古任村卽今之上塢下莊故下莊尊拾爲始祖譜修於乾隆年間宮前王氏譜謂清康熙間晉隰州歲饑有本龍本榮兄弟渡河南貿易宮前遂家焉道光間四世孫庠生聘三始修譜同治間毫賊作亂族譜焚燬民國初七世孫炳耀及姪銘盤重修與大榆樹王同族北陽村秦氏譜謂族譜失傳惟自山西秦家堰徙居於此雖經二百八十餘年之久尙有端倪可據並附記於此

陝縣志卷六

歐陽珍編次

民政

按舊志無民政門自辛亥革命政體革變庶政綦繁故近日修志關於地方庶政皆另闢民政一門以統攝之茲本河南通志館志目大綱所列參以本縣可列載者類凡有五曰縣黨部曰行政組織曰警察曰自治曰荒政以次敘述庶後之關心地方政治者有考焉

一縣黨部 陝縣當共和初年實爲統一黨範圍自袁政府失敗無形取消而孫總理所手創之民黨主義實通行於全國乃陝處軍閥專制之下猶未敢公然宣布至十六年國民軍東出陝始有黨部之發生茲將其組織進行時間分爲數期而逐條書之最望任其職者切實指導使政治俱循軌道斯社會蒙福焉

籌備時期 十六年六月省黨部派呂蘊如張在鏡來陝登記又派王嘉謀曲完善黃禎齋爲籌備委員嗣因份子複雜復派曹煥章王樹森調查真象負責進行計當時擬設區黨部三區分部九及各種機關僅屬宣傳性質

陝西縣志
指導委員會時期 十七年六月河南省指委會派薛純德王嘉謀曲完善陳明理張思賢爲陝縣指導委員辦理陝縣登記各項事宜計登記者九十四人劃全境爲三個區黨部十一個區分部至九月省黨部派李丹五視察允予成立又派監選員曹煥章來陝於十月五日舉行全縣代表大會票選薛純德曲完善王嘉謀陳明理曹煥章張思賢張世傑爲執委周崇夔精忠劉熾昌爲候補執委楊作俊梁芳亭張榮昇爲監委馬子周爲候補監委指委會遂告結束

第一屆執委會時期 各委員於十七年十月十六日宣誓就職執委會推薛純德爲常務委員監委會推楊作俊爲常務委員因頻年飢荒軍閥搗亂地方屢經蹂躪故諸務未能進行至二十年一月復由省黨部派員整理

整理委員會時期 省指委會派張蔚森李克全郭維周徐建功爲陝縣整理委員徐建功辭職另派黃起中由張蔚森任常委改組訓練者有商會農會學生自治會船員工會理髮工會運輸業工會從新成立者有打包工會教育會等並征收預備黨員二百七十人本年九月十三日舉行第二次全縣代表大會派岳蓮峯監選由省指委員圈定李克全劉耀坤郭澤孝爲執委陳仰止郭維周爲候補執委王彥卿爲監察委員劉熾昌爲候

補監委正式成立

第二屆執委時期 各執委於十月六日宣誓就職推李克全爲常委組織反日救國會安設無線電收音機並改陝縣旬刊爲開拓週報至二十一年終呈請改組省指委會派平嘉禎來陝監選於二十二年元月舉行第三次全縣代表大會票選曲完善郭澤孝陳仰止爲執行委員高景祥李克全爲候補執委王彥卿爲監察委員劉耀坤爲候補監委本屆卽行結束

第三屆執委時期 新選之執監委各員接鈴視事推曲完善爲常務委員正擬積極進行而監委王彥卿尤疾惡如讐引動匪首陳順山之忌用人暗殺於城內寓所同人不無戒心且黨部經費業已縮減內部職員僅餘一二工作方面極感困難並聞豫鄂皖三省黨務有改組消息至二十三年八月間整理黨務綱要辦法實行縣黨部改爲幹事書記制省黨務辦事處派幹事張思焜書記陳仰止二人來陝辦理黨務而歷屆執委會頓換局面矣

縣黨部時期 新委之幹事張思焜書記陳仰止於本年九月到部聘請王振邦充任錄事對外工作籌備召開各種紀念會議印刷宣言及告民衆書並辦理預備黨員晉升正

式黨員者一百一十五人直接入黨與申請入黨者各五人又改選商會打包產業工會教育會等已閱二年雖事繁人少殊感困難而協助政府改良政治革新社會各種事宜以成功爲目的者也

二行政組織

縣政府 陝縣在前清爲直隸州制外轄三縣曰靈寶曰閿鄉曰盧氏入民國各省府廳州制一律取消普改爲縣故陝爲今名其官府曰縣行政公署其長官曰縣知事民國十六年奉令改稱縣長十七年改爲豫西第三區行政長不久旋廢二十一年劃爲河南第十一區兼轄陝靈閿盧洛澗新七縣以專員兼陝縣長其專員公署之組織範圍較大茲記縣政府之組織有祕書一人下分設四科每科有科長一人科員三人或二人書記若干人收發一人或二人政務警察隊四班茲將各組所掌職務列於左方

祕書掌理職務

一掌理機要事項

二撰擬及審核各項往來文電稿件

三稽核閽府各職員之勤惰

四掌理各項會議之召集記錄及制定議事日程

五縣特別交辦事項

第一科掌理職務

一關於典守印信保管卷宗及文件之收發繕校事項

二關於本府職員之任免及所屬各區保長員兵升降調遣之登記事項

三關於所轄各區保長員兵成績之呈報事項

四關於本府及所轄各區保工作報告之審查彙訂事項

五關於各種表冊之編審事項

六關於保安員兵傷亡之請卹及災民之振撫事項

七關於所轄區內各項公物公產之清理事項

八關於填發護照及移民登記事項

九關於不屬其他各科之事項

第二科掌理職務

一關於戶口保甲及區自治事項

二關於水陸警察隊之編制整理事項

三關於民衆武力自衛之組織及指導事項

四關於各區聯防會勦事項

五關於各區民有槍支之調查登記事項

六關於懲治匪共與實行連坐法事項

七關於安輯脅從與自新份子事項

八關於衛生行政及禁煙禁毒事項

九關於制發各種宣傳品事項

第三科掌理職務

一關於各項稅課附捐之征收及糧戶征冊之稽核事項

二關於編造收支報告預算決算及金庫出納事項

三關於警察餉項之籌發與稽核事項

四關於所轄區保及各局所交代案款及清理舊欠事項

第四科掌理職務

一關於修繕城池建築堡壘碉樓事項

二關於電報電話及一切交通路政事項

三關於修築堤防橋梁及整理水利事項

四關於土地之調查登記測丈屯田墾荒及一切土地處理事項

五關於農民借貸農村合作社之創辦及一切復興農村之事項

六關於教育之改革促進及宗教禮俗之改良事項

七關於度量衡之檢定及改良事項

區署 陝縣在民國元年劃爲八區每區設區議會明年改議會爲清鄉局區民推選有聲望者一人爲局總由縣公署委任四年改清鄉局爲保衛團改局總爲團總十六年改保衛團爲區部改團總爲區長每區增添副區長一人區部職員區丁人數各照本區地域大小事務多寡情形酌量雇用其經費係由每區民衆按月攤派負擔十九年改區部爲區公所各區經費始劃一統由縣財務委員會籌發而區民按月攤款苦樂不均之弊於是始除其區公所所在地第一區設城內第二區設會興鎮第三區初設大營鎮後移至溫塘第四區設張茅鎮第五區設菜園鎮第六區設張村鎮第七區設觀音堂第八區

設宮前鎮二十四年一月國民政府軍事委員會蔣委員長鑒於往日區制參差不一通令勦匪省份各縣按照分區設署辦法大綱規定將原有各區重行劃編茲節錄其通令以資參考其文曰查縣爲行政單位自中央建省之一切政令悉由此下達於民衆而我國各縣之幅員大者三四百里小者亦百餘里民衆多者五六十萬少者亦十餘萬在昔滿清之世尙多設縣丞巡檢分司等職勉資佐治今之縣制所以治理此廣土民衆者僅恃一端拱縣城之縣長而已依現行縣組織法縣以下之各鄉原定分割爲若干區各設區公所以爲地方自治機關第組織既不健全人選亦甚濫雜經費則尤形短絀地方民衆之視區長無異昔日之團董莊頭絕不特加尊重於是地方士民之賢良者多趨起引避不肖者則奔競而進結果各地區長大都爲貪污土劣所把持助行政令則不足壓迫民衆則有餘故縣長與民衆之間既無居間聯絡之樞紐自失指臂之効用以致一切政令逮縣之後卽等於具文無法推進訓政數年迄未能樹立憲政之基礎職是之由本委員長詳察地方之情形周諮各省行政長官之意見認定澈底改善區制分區設署實爲目前之要圖茲特制定剿匪省份各縣分區設署辦法大綱並附訂甲乙丙三種區署編制經費表令布施行以爲縣政確立下層之基幹凡區制之性質權力均予根本改造於

是陝縣原有之八區從新劃併爲五區舊日第一二兩區合併爲第一區區署仍設城內第三區改爲第二區區署仍設溫塘第六區改爲第三區區署設人馬寨第五八兩區合併爲第四區區署設宮前鎮第四七兩區合併爲第五區區署設觀音堂陝縣爲丙種區區有區長一人區員二人書記一人錄事二人區丁二人經費統由縣財務委員會籌發自是區制名稱劃一事權集中乃純然爲官治之行政機關不復向日之參差不齊矣

三警察 陝縣自清光緒三十三年創設巡警局局長一人警士二十餘人宣統二年又設立巡警教練所招生數十名卒業後均充當警長警士爲地方服務入民國巡警局改爲警察所所長一人巡官二人文牘一人書記二人警士五十餘人三年警察所所長由縣知事兼任原有之所長改爲警佐受知事之監督警佐之去留由於知事之稟請八年警佐復奉令改爲所長十六年警察所奉令改爲公安局所長改稱局長又警佐一人均由省民政廳委任事務員四人警士四十八名清道夫八名二十一年奉令裁局併科公安局復改爲警察所局長改爲警佐巡官一人事務員三人警士三十名清道夫四名二十四年奉令改區設署警察所裁撤另於縣政府附設警佐一人兼第一區區長每區署附設巡官一人警士五名巡官由區員兼任不另委人以節省經費且區長易於指揮事

權可以統一

城內第一分駐所

警佐一人事務員一人警士十名清道夫四名

南關第二分駐所

警佐一人事務員二人警士三十名清道夫六名

太陽渡分局

警佐一人事務員一人警士十名清道夫四名

會興鎮分局

警佐一人事務員三人警士二十八名清道夫四名

觀音堂分局

警士一人事務員二人警士十四名清道夫四名未幾即取消

車站第一分所

警佐一人事務員一人警士十名清道夫四名

自二十四年警察所奉令取消後因南關爲商務區域乃設第二分駐所城內設第一分

駐所每所有巡官一人警士清道夫各若干人其會與鎮觀音堂等處不復設所矣

四自治 古者比閭族黨州鄉之制卽自治之濫觴然未有自治之名自治之名始之清季宣統時陝縣創設自治研究所於鐵公祠各區亦先後設立自治機關未幾辛亥義師起政體改革入民國設立臨時議事會參事會正式國會成立卽取消十一年秋奉令籌備區村自治先成立縣自治籌備處各區亦同時成立區自治籌備處設籌備員一人擬劃本縣爲五區實行村長村副選舉區長本年終卽籌備完竣十二年二月假第九中學地址成立自治講習所召集村長村副二百餘人入所受訓爲期一月旋以時局不靖區長雖選舉區村自治卒未實行十七年夏奉令成立農村組織籌備處於北大寺處內職員分赴各鄉宣傳新農村組織每區擇定大村一二先行試辦將舊日農村腐敗生活大事改革本年秋季農村組織籌備處取消後復設自治籌備處同時又設立自治訓練班於城隍廟招集學員百餘人期以六月卒業偕同人民自衛團分赴各區實行清鄉一時土匪斂迹越年戰爭起自治籌備處不過空懸機關牌等於贅疣矣二十二年國民政府軍事委員長行營爲嚴密民衆組織澈底清查戶口增進自衛能力完成清鄉勦匪工作起見特制定編查保甲戶口條例頒行各省縣是時歐陽專員莅陝奉令惟謹卽遵照所頒

條例實行清鄉編查戶口將向日八區從新劃爲五區第一區編保四十八編甲五百二十第二區編保五十編甲四百九十九第三區編保四十五編甲五百零六第四區編保三十九編甲四百一十第五區編保四十四編甲四百七十九總計保二百二十六甲二千四百一十四

五荒政 救荒爲國家要政然當水旱驟加人民流離失所之際且暮望救一恃政府賑濟則有緩不濟急之虞陝縣自清光緒丁丑歲大稔人相食死亡甚衆當時救荒政策不可得而紀民九年後軍隊擾攘土匪猖獗人民早已室無蓋藏至十五十六年麥穀欠收十七十八二年顆粒未見所謂加之以師旅因之以饑饉其災情較之光緒丁丑歲更重而人民不復如往昔死亡之衆救災之政策頗善且不純恃政府之力十七年十一月東北籌賑會萬國道德會世界金卮字會四省慈善聯會上海中國濟生等慈善團代表汪波止王福順王香齋杜華軒胡延枚閻海川高永福視查西北災情經陝縣長劉國楨與救濟院長劉彥江偕同各機關懇求諸代表長川留陝放賑當時計到賑糧約數千包棉衣數千套其中尤以朱子橋將軍籌到賑糧爲多於南關會興鎮張茅鎮觀音堂宮前鎮頭峪鎮各設粥廠劉縣長亦籌款於城內設粥廠一處委史協邦劉彥江負責辦理諸

慈善家復爲各鄉村散放糧米及棉衣先是十七年八月地方人士既組織河南救災促進會陝縣分會推縣黨部委員曲完善負責進行至次年四月諸慈善家以時局不靖將南關粥廠交給地方辦理其餘粥廠均行結束五月交通梗塞賑款毫無適有武漢同願實濟會爲之接濟尤賴張縣長大啟籌款維持十月成立救災委員會而漢口紅十字會復派員來陝收容災童華洋義賑會又施巨款散放鄉村陝民賴以不死十九年八月成立陝縣振務委員會二十年一月改爲分會皆思所以挽回劫運者也

救濟事業

民國十七年設立救濟院因基金無着僅有其名專員歐陽珍另勘地址重新組織經由全縣政商各界聯名發起募捐基金五百五十六元五角於二十四年一月正式設立養老殘廢二所斯年復增築房舍三間添設孤兒所加闢工藝室及教誨室每月經常費預算爲四十元由地方款開支救濟費則由商會及各區繁盛之集鎮分別向殷實商戶按月捐助八十四元計商會担任五十元會興鎮十元大營鎮十元觀音堂六元張茅菜園各四元現每月收容人數約三十餘名每名按日發給伙食洋一角并按其年齡資質體力分配學習織帶織襪等工藝及教以淺近字義普通常識以爲謀生自立之基

二十二年秋黃河水漲汎濫成災本縣沿河灘地率被冲毀專員歐陽珍呈請救濟十二月黃河水災委員會災賑組河南查放處派委劉昌言攜帶賑款一千元棉衣五百套前來賑濟經各機關會議賑款一千元由查放處代購紅糧三萬四千五百斤以糧半數及棉衣五百套散放災民其餘紅糧半數辦理小工賑修築南門外澗河堤岸每工每日發給紅糧十二斤共用工二千二百七十個兩月完成計受賑人口一千三百三十八人二十四年秋霪雨連綿大水成災淹沒人口牲畜冲毀房舍田地不計其數新修澗河橋兩端堤岸被水冲倒專員歐陽珍呈請救濟經河南水災救濟總會派委呂動哲前來履勘十一月領到賑款洋一千元修復澗河橋兩端堤岸計填土方三千公方石方一千公方共計工一萬個每工給洋一角受賑災民一千一百七十六人

陝縣志第二册勘誤表

卷數	頁數	行數	正 誤
四	六	六	「寧非」誤爲「甯非」
八	十六	十六	「四七」下遺「區」字
五	一	六	「瞻」誤爲「瞻」
二	五	五	「樂安」誤爲「安樂」
五	二	三	「咬春」誤爲「交春」
六	十一	十一	「菊饊」誤爲「菊饊」
七	一	一	「翠然」誤爲「澤然」